

یومیات موظف
شهر عقاری

محمد ابراهیم جمال الدین

الطبعة الأولى

الكتاب : يوميات موظف شهر عقارى

المؤلف : محمد إبراهيم جمال الدين

تصنيف الكتاب : شعر

المقاس ٢٠ × ١٤

رقم الإيداع : ٢٠١٦ / ٢١٣٠

الترقيم الدولي : 6 - 166 - 776 - 977 - 978

دار يسطرون



طباعة وتوزيع الكتب فى جميع أنحاء العالم

المكتبة والطبعة : ٣ ش صفوت - محطة المطبعة

شارع الملك فيصل - الجيزة

جمهورية مصر العربية

٠١١٥٧٧٦٠٠٥٢ - ٠١٢٢٩٣٠٠٠٢٩

مدير الإنتاج : أحمد عبد الحليم

المدير العام : أحمد فؤاد الهادى

رئيس مجلس الإدارة : عماد سالم

بريد إلكترونى : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

الإهداء

إلى قصيدتى الأولى
إلى من تشاركنى الحياة
إلى من تقاسمنى الكلمة
إلى زوجتى الحبيبة
الشاعرة / سمية محمود
أول قصائدى

محمد ابراهيم

قلم عاصى

قلمى كان يتهجى الخط
نفسه فى مرة يكتب شعر
قلت هيكتب مرة مربع
ما انا حلفته يصون السر
قام ودانى جوه قصيدة
وسابنى لوحدى اكتب حر
وأعمل إيه فى القلم العاصى ؟
كل حروفه بطعم المر
نفسى الحبر يكون م السكر !!
نفسى قصيدة خيطها يكر

نفسى أكون فى الشعر كويس
ما أنطق أبداً كلمة تضر
وسط الشعرا خليك ريس
وسط الجهلا إكظم شر

أكتب شعر

عادى إنك تكتب شعر
بس الكلمة تبقى أمانة
شكّل جملة ٠٠ أكتب حرف
حطّ الفكرة حتى فى شطر
خلى الحرف بريجة العطر
خُد أفكارك من جوانا ٠٠
وظف شعرك هات الصورة
بدل ف الشطرة المكسورة
إبعد عن الفاظ محظورة
عَيش نفسك لحظة معانا

سِيِّبِكُ مِنْ أَشْعَارِ الرِّصِ
كَانِي وَمَانِي وَأَسْكُتُ هُصِ
أَخْدَمُ بِلَدِّكَ ٠٠ شَعْبِكَ بَصِ
دَائِمًا تَلْقَى الْخَيْرَ وَيَانَا
وَأَسْمَعُ غَيْرَكَ يَوْمَ مَا يَقُولُ
وَفِ نَصِّ الْغَيْرِ أَكْتُبُ مَنْقُولُ
خَلَى الْحَبِّ شَعَارَ عَلِيٍّ طُولُ
إِعْلَى بِنَصِّكَ عَلِيٍّ سَمَانَا

آه يا غربة

خلاص يا غربة
راجع لأهلى فى الكفن
آخرتها تُربة
أيه يعنى مصرى وإندفن
راح الشقى ويا التعب
وأنا قتلى كان من غير سبب
جوا العلم لفوا الجسد
قولوا لأمى أبناك ولد
فى الغربة كانت محنته
علشان ما فيش خير فى البلد
فى بلاده بدأت قصته
فى الغربة داسوع الجسد

مؤامرة ضد مصر

مصر الهرم والنيل
مصر الحضارة يا ناس
مذكورة فى الإنجيل
قراءنا هى أساس
أطيب شعوب الأرض
يا عزيمة بولادك
أسود بتحمى العرض
من شر حُسادك . . .
كتب التاريخ حكايات
قبل الزمان بزمان
واتجمعت ديانات

جرس فى حُضن أدان
عايز أقول الآه
خايف عليكى بجد
الحامى هو الله
ما تعوزى أبداً حد
بهتف بعلو الصوت
الشر ليه يا خلق
تتمنوا ليها الموت !!!
ده حاميه رب الخلق
هتعيش بلدنا فى أمن
فى رباط ليوم الدين
لو جمعوا دول الشر
جالنا صلاح الدين

بلاد النوبة

سامع يا وادى النيل
صوت أهلى فى النوبة
بيقولوا فن جميل
أنهاره فى عذوبة
الشمس ساكنة هناك
لون السمارع الخد
من بدرى تستناك
وميعادنا خلف السد
رغم السمار القلب
أبيض وزى الفل
على رزقى أرمى الهلب
النيل عليها يدل
وقلوب ساكنها الحب

أبدا ما فيها غل
وأزرع فى أرض الله
وأصحى بأدان الفجر
ما عمرى قُلت الآه
ما عرفت أبداً غدر
السييل ياخذ مجراه
واقفين طابور العرض
والحق عمره ما تاه
والسد حائط صد
رب العباد خلاه
يحمى الثمار والأرض
تعبنا م التهجير
أمتى نكون ع البال ؟؟
وشبعنا م التخدير
ما تبصوا فى الأحوال !!

حلم فجر

الضلمة راحت من سنين
يوم العبور كان أحلى فجر
أبنك يا بلدى وقال أمين
رافع لعلمك نصر بدر
أبنك خلاص شال السلاح
كبر وحياء الفلاح
أبنك وكان ناوى الصيام
بعد العبور صلى القيام
أبنك خلاص رفع العلم
مسح الدموع شال الألم
عبر القنال خطى السدود

ف الشرق واقف ع الحدود
حالف ما يخضع أو يعود
ما هي أرض أبويا والحدود
سينا اللى كانت مننا
غابت ساعات يوم عننا
أبنك عزيزته من حديد
وسط الصيام شق لنا عيد
أبنك وقال ما فيش مُحال
حررنا أرضك م العبيد

فرصة عمل

صوتى أتنبج عمال أنادى
حيرنى أمرِك يا بلادى !!
عَدت سنين وأنا مستنى
أبحث وأدور بتمنى
ما سبت مصلحة ولا شركة
قال لك ما فيش أصلها تركة
شفت المسائل معكوسة
كل الوظائف بالكوسة
العمر ضاع مع أيامى
طب أمتى أحقق أحلامى ؟
عشرين سنة وأنا بتعلم

عشرين سنة وأنا بتألم
والله دا أنا خريج جامعة
ولا الشهادة من أبو لعة؟!
فرصة عمل والحال مايل
قالوا فى أوروبا الحال هايل
فلوس أوروبا أجيبها منين؟
أمى قالت هتبيع قيراطين
مع أن هما اللى حيلتها
سبب شقاها وعزتها
راحت بسرعة قوام فى الحال
وفلوسنا هي خدها المحتال
وسفينة من غير تأشيرة
فى بحر أمواجه خطيرة
ومن بعيد شُفنا أوروبا
هنط يلا هيلا هوبا

على مين يا خلق نجيب اللوم
والبحر قاسى كله هموم
قالوا لنا يالا شدوا الحيل
ع الحلم فاضل كام كيلو عوم
ع الشط شايف أحلامى
والفرح جايب أيامى
لكن زمانى مش عايز
يحس مرة إن أنا فايز
ما قدرت على غدر الموجة
يا عمر راح من غير توبة
آخر أمل حققهولى
أندفن جنب رسولى

واحدة بس

السعاده ويا زوجه
لما تبقى واحده بس
بيضا كانت ولا سودا
حلوة كانت والا عوجة
للمشاكل مالها حس
زوجه واحده مش شويه
ليه تفكر ف التعدد
ليه تكون خيبتك قويه ؟
ولحياتك راح تهدد
لو عايزها نصيحه مني
هي واحده ليك تمام

اما لو حابب تتني
السبب قبل الملام
شرع ربك نصه ٠٠ قال
مثنى وثلاثة ورباع
وان ميزان القلب مال
الحقه قبل الضياع
الشريك ف القلب واحد
ف المحبه والغرام
ليه تكون فى العشرة جاحد ؟
هيه كلمة والسلام

نصيحة

لو عايز تحسبها نصيحة
والكلمة معلىش قبيحة
دى مشاعرك خليها صريحة
ده القلب ما بيعشش اتنين
عمال بتبعتر حنية
والود حباله مَرخية
ومشاعرك اهي رايحة وجاية
اخرتها يا ابنى وبعدين ؟
ما تفرمل قلبك لا مؤاخذة
احسبها بالآلة الحاسبة
أحاسيسك خليها مناسبة
هتشيلك ع الراس والعين

زمن غدار

العمر ضاع ف سنين
واخذانا للمجهول
ماشفنا فيها حنين
شاييل تملي حمول
لوقلنا يوم نرتاح
دا القلب له راحة
والجسم له راحة
والعمر أقول له سماح
أمشيها بالراحه
القي الزمن غدار
وصلني لنهايه

إنزل كفايه مرار
دی الدمعه جوایا
خلیک یا عمری الجای
حملك علیا خفیف
ما تقول لحد الأی
زمنك وعشته شریف

الحزن

يا حزن يا معدى
تكسر فى باب بيتى
كفايه ما تهدى
فى الهم زاع صيتى
أنا بحر همه كبير !!
ومين يواسينى ؟
أمواجه عاليه كتير
ومين ينجينى ؟
أنا كنت أشوف الجراح
قدامى وورايا
ما بين مسا وصباح

أتاريها جوايا
أنا سامحت الهموم
خلاص أنا خفيت
ولا يوم هاقول الآه
ما انا ياما فيها مشيت !
ارحمنى يا الله
دا الهم مالى البيت

كلمة حب

كل حروف الدنيا ما تسوى
كلمة حب باقولها أنا ليكى
كل آهات الحب أبعثها
وردة جميلة فى حضن أيديكى
كل بحور الدنيا ما تكفى
أنا عايش سباح ف عنيكى
ف بعادك عنى ولو ثانية
أنا روحى بتحوم حواليكى
القلب المخلوق علشانك
نبضاته بتنادى عليكى

تعليم مجانى

التعليم عندنا مجان
لأى مواطن مهما ان كان
زى الهوا والمية نعوزه
فى الدستور بالنص كمان
شُفت المسألة كده معكوسة
لازم تتعامل بالكوسة
ادفع باكو ولا اتنين
يدخل أبناك فى الحسابان
رُوحنا الفصل أشوف الواد
فييناك يا وزير التعداد ؟؟
سبعين عيل جوه الفصل !!

سجن يا ناس محتاج سجان !
والشرح ما قولكش عليه
تفهم وحدك كده أوكيه
مش فاهم أعمل لك أيه ؟
لم فلوس الدرس الآن
المنهج دى فصوله كبيرة
يا وزيرنا ما تفضها سيرة
التعليم بقى شغل تجارة
وسكوتك هو التأشيرة !!

عائزین العدل

عائزین العدل یاعم الزند

الشهر عقاری

ماهوش ف الهند

القضا عمال یصرف بدلات

والطب الشرعی و النیابات

والخبرا کمان بقی لیهم بند

عائزین العدل یا عم الزند

طب نعمل آیه ونکلم مین ؟

والظلم کتیر واحنا الضایعین

ده العدل میزان متغمی العین

والزند وزير للحق أمين
وحقوقنا يا زند مهياش عند
عايزين العدل يا عم زند
تصرف لقضاتنا بالالافات
بدلات لمنصه وايشي علاوات
مكاتبهم جنه ولينا خرابات
ما نكونش عبيد وانتم بشوات؟!؟
وسيادته ياباني واحنا التايلاند
عايزين العدل يا عم زند
ليسانس حقوق ف القضا مضمون
باشاوات حكام بمواد وقانون
أحكام قرارات براءات وسجون
فكرت تساوي يقولو مجنون
هما الضباط هيساواوا الجند ؟
عايزين العدل يا عم زند

الشهر عقاري كله ليسانسات
اثنين دبلومہ ودكاتره ساعات
يستنوا الشفقه ف القرارات
بعيديه بخمسه م الجنيهات
نفسنا نتفسح ف دريم لاند .
عايزين العدل ياعم الزند

الطفل مات

الطفل مات

الدنيا قامت بعد آيه ؟

خلص السكات

والكلام شغال عليه

كل الحروب اتجمعت

عند العرب

صنعا وسوريا

والعراق كان انضرب

سبعين سنه والاحتلال جوه القطاع

ماتشوفو حالكم يا عرب قبل الضياع

الطفل مات

طب ذنبه أيه الطفل بس ؟

راح فى ثبات

وسابنا ف الأشعار نرص

طب فين حلول المشكله ؟

ولا الضمير صابه البلا ؟

حد يجاوبللي الأسئلة

ويديني حس

أيوه نقدر

أيوه نقدر نعمل كتير
بس يصحي فينا الضمير
طول ما قلبنا ع البلد
مش هنلاقي فيها فقير
أيوه نقدر نعمل كمان
عند ما نحس بأمان
عبوه ناسفه او حزام
معرفش داعش او خوان
الضربه واصله لحد بيتي
يامصر بالنار اتكويتي

عَدُوِي شَايِفُه عِ الْحُدُودِ
أَمَّا الْخِيَانَةُ جُوهٌ حَيْطِي
أَنَا بِأَدْعُو أَهْلَ مِصْرَ
لِصَلْحِ كَامِلٍ بَعْدَ عَصْرِ
عَايِزِينَهَا تَرْجِعُ فِي رِبَاطِ
رَجُوعِنَا هُوَ أَحْلِي نِصْرَ

دايرة النسيان

بتشكي ليه م الزمن
والدنيا ظلماكي
دفعتي عمرك ثمن
طب هي ناقصاكي ؟
الحزن ليه والشجن
فا السجن جواكي ؟
ده العمر لو ينضمن
كنت أبكي وياكي
الفرح ليه مكسور ؟
قومي افتحي له الباب
بينه وبينك سور

باعدك عن الاحباب
واقف بقى له زمان
هيموت علي بابك
شمتي فيه الأشجان
راجع لعُزالك
دنيتنا ها نروح لها
مش تبقى منسيه
بالحُضن هنضمها
تفتح لنا هي
الدنيا فيها كثير
م الفرح والأحزان
والحزن يبقي أسير
ف دايرة النسيان

ضميني

مين قال أنك هونتى عليا ؟
إخلاصى لحبك ف عنيا
العمر لساه قدامنا
هنعيش له الأيام الجاية
ف البعد أنا شايفك قدامى
أشواقى بتبان فى كلامى
مش قادر على بُعدك ثانية
ضمينى ف حضنك من تانى
القسوة ف قلبك مش ليه
والنظرة ف عينيك حنيه
الدنيا كلها ف أيديكى
ما تحطى أيديكى ف أيديا

أحلام ع الرمله

ع الرمله ياما قلنا كلام
وبنينا قصور الأحلام
ورسمنا ع الرمله حياتنا
بالحب نعيشها بسلام
ع الرمله بنشوف جنتنا
والموجه والهوا فرحتنا
مانحفشي م الليل وظلامه
ما كفايه قمرنا ونجمتنا
أمواج البحر بقت عاليه
والشمس بأنوارها الغالية
تضحك لي تحت الشمسية

وقلوبنا أهي صافية وخالية
الحب ييحكى لنا حكاوي
نغزلها مواويل وغناوي
تسمعها الموجه تغنيها
علي حبك أنا دائما ناوي
ونحافظ ع البيت م المية
بالحضن الدافي بحنية
ولا نغرق ف البحر وغدره
والموجه الراححة والجاية
الذكري ع الرمله كبيرة
أحلامنا ف القلب كتيرة
أنا راسم مملكتي وشايفك
يا حبيبتى جواها أميرة

شبكة أنجاس

إشاعات خراب ودمار
ع الشبكة ومُراسلين
النشرة جائية فى نار
قال مصر عايشه ف طين!!
واقف لي كده زنهان
ف مظاهرة من عشرة
يقول معاك عمار
من جبهة النصره
شايف البعيد كداب
على طول كده طايج

حبة بارود وهباب
مثلها بفضايح
بلدنا مصر عظيمه
والحب طبع الناس
الشبكة ديه لئيمة
ولمة من الأنجاس

العید فرخه

العید فرخه ولحمه وديك
محشى كوارع او بفتيك
رنجه فسيخ جمبري سبيط
كل العيله من حواليك
تصحي تجهز ف عيديات
كله واقف لك بيقول هات
انسي العشره والعشرين
دول عايزينها بالميات
والشارع مليون شماریخ
راحت ع البمب بصواریخ
والالعب كلها م الصين

سوق وبناكل فيه بطيخ
ويوم العيد اللبس جديد
طقم الجينز وكوتش شديد
وبنات حلوه داخله المول
والمراجيح ما بقتش تفيد
ع النيل خلق كتيره ياناس
م الاهمال ضاع الإحساس
شط البحر كمان مليون
ف شبابنا العترة الجدعان
ويا بنات ماشية بتطوح
والكل ف حالة توهان
البرشام والبانجو سايقهم
ومعاه تعميرة دخان
الأخلاق صبحت مش هي
ونسينا أصول التربية
عايزين مصر بلدنا جميلة
ف حاضرننا وأيامنا الجاية

ماله الفول

مش طالبة لحوم ولا حتى فراخ
أرجع للفول عمر أمخاخ
علشان الفول
قاعد على طول
ف المعدة مكلبش زى الغول
هات لك طعمية بنص جنيه
على بيضه مقلية هاتعمل أيه ؟
بالهنا والشفا أتهدنا يابيه
اللحمة تشوفها ف الأفلام
م العيد للعيد أوف الأحلام
علشان تلاقىها أتغطى ونام

حكمت المحكمة

حكمت المحكمة براءة
بعد بحث أوراق وشهود
أدانت عصر الجراءة
وسط حشد كبير مشهود
قضائنا دائماً شامخ
لكن نص القانون فيه قيود
أفوكاتو حسن سبانخ
في الحيله مالو حدود
دستورنا دائماً قال ٠٠
ما نعلق علي الأحكام
ميزان العدالة لو مال
فيه نقض وكمان إبرام
في محاكمه كانت علنية

حاكنا نظام سابق
أحالت النيابة قضية
ورقها ملا الطابق
بحث القاضي التطبيق
ع النص الي كان موجود
نص الإحالة لضيق
الوقت أصابه ردود
والقاضي هيعمل أيه؟
حكم بشرع الله
مافيش ملامة عليه
ثغرات القانون حاميها
مش هعلق علي المنطوق
لأحكام القضاء أنا راضي
إذا كان القانون فيه خروق
ليه نزعل بقي من القاضي؟

يوميات موظف شهر عقاري

الناس ف المكتب والزحمة
م الصبح طاحونة شغالة
ع المكتب قاعد من تسعة
مربوط ف حبال السقالة
أوعاك تتأخر لو خمسة
هتلاقي نصيبك ٠٠ دي عدالة
مكبوس ع المكتب كده كبسه
عايزين تأشيرة فى عجالة
لوقلت لحد أنك لسة
الدور قدامك والحالة
ده فاضلك يبجي بتاع دستة

هـيـرطـم بـكـلام وـقـوالـه
عـقـد ف تـوكـيـل صـبـحـم رـصـه
ف الزحمة الستات رجالة
لوقمت للحظة عيون بَصَّه
وتلاقي خناق جوه الصاله
يا ناس مزنوق غصبِ عنى
أصل أنا بنى آدم مش آلة

الوطن

الوطن يعنى ،، حياتى

الوطن فيه ذكرياتى

الوطن فى الفرح ساكن

جوة قلبى وفى آهاتى

الوطن جواه بعيش

قصر شارع ميهمنيش

دم يجرى فى الوريد

إن خدتوا روحى متساوئش

الوطن ياما قالوا عنه

فى الكتب والفن غنوا

فى التاريخ مذكور يا وطنى

صوتى عالى أصلى منه

وده معقول

الشعر لم ياناس
بالذمة ده معقول؟
تكتب بدون إحساس
من كتر أكل الفول
تملا متين كراس
تنشر كلام على طول
الكلمة م الهلاس
تسعد متين مسطول
واقف بكل حماس
بيقول كلام منقول
والتاني أبو نواس

تايه مع المجهول
وطلع لنا الترباس
كأنه كده مسئول
عامل لى فيها حساس
بس البعيد مقبول
دقوا بقى الأجراس
مش كل حد يقول
مش كل ما الوسواس
ينده تروح على طول
للشعر عندي أساس
مش دق زار وطبول
ميزانه دا حساس
والحرف له مفعول

شكر المن كرمي

الشعر فن عظيم

موزون ومتنظم

عائش ما بيننا رحيم وكأنه شخص حكيم

يهدينا ويعلم

وان كان على التكريم

بوجودكم نتكرم

رفعتوا راية مصر

فى المغرب العربى

شرف وعزة ونصر

تحية من قلبى

ف الندوة دي إبداع

كان شعر أو قصة

المتعه ف الأسماع
و كاني في حصه
والقلب لما يساع
مايكنش فيه غصه
اللي يعيش ف صراع
بيخاف من البصه
الشعرده إحساس
وفن له ريادة
بنحب كل الناس
م القلب يا سادة
والحب بينا أساس
والود بزيادة
أنا قلت رأيي خلاص
وحبي بزيادة
وباقولها من قلبي
بعشقهكم بزيادة

ظلم المدير

الكبير اللي مراعيننا
للأسف أصله خسيس
من صفاته تحس أنه
بُرص خاين مش حسيس
الخيانه شئ فى دمه
زيه زي الأباليس
حتى ظاهرة فى ملابسه
م الفلنة للقميص
ينسي صاحبه ٠٠ يرمي عمه
عشرته جمعة وخميس
لما يضحك يوم ف وشك

يبقى ها يجيب لك بوليس
وأما يمدح نفسه عندك
تلقى وشه زي تيس !!
تفتكر له لحظة وأنت
تحت ضرسه كالهريس !!
السماحة مش فى طبعه
حتي لو كنت العريس
والعداوة جوّه دمه
نفسه يبقى الكون تعيس
لما عيني تشوفه أنادي
يامغيث يامغيث
الغباوه مالية مخه
مبن اللي خلاه الرئيس !!؟

نهج الرباعيات

يا حبيبتى أنا دمعتك
ساكنة فى نبي العين
ولما أشوف بسمتك
هنزل وأروح علي فين

ف الحب أنا حساس
معرفش ليه اللومة؟؟
متربي ع الإخلاص
أشواقي مكتومة
الصبر عندي طال
ف الحب أنا هيمان

الود مني سال
كوثر بلا شطآن
شربت كاس المر
من الغيره وسنينها
والشهم طبعه حر
وانتوا الي ساقينها

أنا طيب الروح
وتخصصي ف الحب
أرضى أكون مجروح
ولا أرضى يوم أتسب
يا قلبي يا مسكين
حبك دا عنواني
لو قطعوه بسكين
غيرك ما فيش تاني

حرب العرب

الحرب قامت خد سلاح
كَبْرُوحى على الكفاح
خدت السلاح ع الحرب رايح
رُحت الميدان ولقيت فضايح
هضرب وانشن على مين ؟
الناحيه التانيه مسلمين
وبعد هالكم يا عرب
م الطعن قلبى الى انضرب
والقمة راح تشجب تدين
ما احنا وقعنا فى الكمين

حفيدي يوسف

يوسف حبيب الروح
ألفين سلامه عليك
العقل مني يروح
من بصة جوه عنيك
عيون كثير بتقول
ع الحلو والغالي
ساعه رضا وتنول
فدا كل أموالي
يحميك إله الكون
م الآهه والعله
يحفظ كمان ويصون
الضحكة والطللة

مفتتح

صُحبتنا زى الفل
أخوة حريم ورجال
فى القلب ما فى غل
والاحترام فعال
الفرحة شايضة الكل
والشعر ماشى سيجال
ع الشفة بسمة تهل
دا الحظ ساعة يا خال
واللى ما لوهش خل
الفرحة تبقى محال
الندوة دى لكل
ما فيهاش لا قبيل ولا قال

شاعر وزير

كل كلمة عندك أنت
أحلى من أشعار كثير
شخبط أرسم حط نقطة
أنت فى الشعرا الكبير
حرف عامى ولا فصحى
يفرق أيه جر الضمير ؟
خُش جمد قلبك اخبط
قول ما فيش غيرك خطير
حط جبنة ع المربى
قرن فلفل كل فطير
واما تسخن قوم وصقف
كله هيقولك وزير

مفتتح

وليه نـقلب فى اللى فات ؟
ونشيل تراب كان أتردم
ده العمر حبة ذكريات
الحلوراح ويا العدم
عيش اللى باقى من سكات
خلاص بقى ضهري أنقسم !!

أبويآ مات

أبويآ مات رآح الأمان
يا حزن عمرى أن الأوان
دموع بتجري والفرقة مرة
والناس فى عينى صبحم حيتان
وأخواتى وأمى تبكى كمان
وقلبى خايف زمانى يغدر
والنور ببطفى ورا الببيان
قلت أمى هتعيش معانا
من بعد أبويآ تبقى الحنان
الموت خطفها وسبنى وحدي
ولا حد عوض كل اللي كان

أمي وأبويأ نبعين محبة
أمرني ربي أحسن إليهم
دول هما عندي كل الأحبة
ياريت يعيشوا وأبوس أيديهم
خلاص ياتربة بقيتي غربة
ولا حد حاسس بحبي ليهم
الليل بييجي يرمي ف ضلامه
أنا كنت عايش بنور عينيهم
هما اللي كانوا الربيع ف عمري
وبقيت لوحدي ولا حد فيهم
أمك وأبوك نبعين حنان
أحسن إليهم تبقي ف أمان
ولوف مرة تعصي كلامهم
تأكد انك بقيت شيطان
بكرة ولادك يعصوا أوامرك

أنا بقولك ٠٠٠ داين تُدان
الجنة فاتحة أبوابها ليك
ما دمت طابع ليك الجنان
وصيه للي والديه معاه
أنت معاك كنز الزمان
أمك دي عينك
صونها يصونك
ربي اللي خالقك
أقول كمان ؟

حب عالي

أنتي طيف عايش ف بالي
أنتي أجمل من خيالي....
عارفه قلبي ؟
قلبي بحر مالوش حدود
لسه شايفة ؟
شايفه أوسع م الوجود
تعرفي ؟
مستحيل أنسي حنانك
خلي أيامي ف زمانك
طمني قلبي ف أمانك
نفسي

نفسى أسكن تحت رمشك
نفسى أكون الطير ف عشك
نفسى كل الناس تحبك
يرجع الحب اللي كان
من زمان .

سمعي

سمعي دق قلبك لما يفرح
واسمه بيقول باحبك
أصلي باسرح

لما طيفك يجي عندي ويلاعبنى
لما أشوفك جوه عيني بتناديني
أسمع الأناث أهات
وأسمع الصرخه سكات
أوعديني
أوعديني ترجعي كل اللي فات

ارحميني م الحنين
اللي طال كل السنين
قلبي ف بعادك حزين
أمسحي ف عيني الدموع
نوري ف قلبي الشموع
تعرفني يا حب عمري
اني باتمني الرجوع
صمت قلبي قام ينادي
حبي ليكي ماكنش عادى
أرجعى تاني لودادي
يوم رجوعك يوم ميلادى

ذكرى أمي ...

ريحة الجنة تتمني
أمي الغالية هتعدني
بقالها زمان بتستني
تحت أقدامها بتهدي
ياست الكل يا أمي
يا نبع بيجري في دمي
ياشايلة الهم فوق همي
رايحة الجنة ليه بدري؟؟
و صوتك سامعه ف وداني
ناديني يا أمي من تاني
كل الحب علشاني

ارحم عمري يا قدرني
أمي خلاص بقت ذكري
و حامدة لربها شاكرة
دي عايشه ف قلبي علي فكرة
أمتي أروح لها ما ادري

يوم الفرحة

سنة تمانية يوم الفرحة
مصر عروسة لابسة الطرحة
كلمة وقالها أبو الأبطال
المشاريع ما بقتش محال
وقناتنا ف الصحرا أهى طارحة
يومها بعينها أنا شفت الفرحة
جنتنا ف الصحرا بهيه
كل العالم مستنية
الأحلام صبحت حقيقية
والملحمة ف تاريخنا أهى شارحة
كل سفينة مرحب بيها

المروء

صباح الخير يا عم حسين
جدد رخصة السيارة
اجري روح شباك اتنين
هات لي نموذج واستمارة
وأدفع عند الأستاذ زين
ضريبة سنة أوام طيارة
وهات لي وثيقه التامين
من الكشك في أول حارة
وهات طفاية وملفين
وافحص بصمه عند عماره

وبطاعتك صور صورتين
تالٲ مكتب ف الإدارة
وادفع يلا كمان ألفين
عندك جناحه كسر إشارة
أرحم أمى ياعم حسين
شوف لنا حل في إختصاره
عايز مية ولا ميتين
قال طيب ولع لي سيجارة
بعد مامخمخ بسيجارتين
نادى بسرعة يا واد يا شرارة
سلم عمك نمرتين
وفك ملفه من الدوباره
وأطبع رخصه في دقيقتين
وأفرج عنه أوام طيارة

المرور بقى فيه قانونين
تدفع تركب الطيارة
عايز تمشى بالقوانين
أسبوعين وتقول كفار
نبح قناتنا مستنيها
دم الشهدا مارحش بلاش
والأحزان بقى هنعديها
وظلام الأيام البارحة

الفهرس

٥	قلم عاصى
٧	أكتب شعر
٩	آه يا غربلة
١٠	مؤامرة ضد مصر
١٢	بلاد النوبة
١٤	حلم فجر
١٦	فرصة عمل
١٩	واحدة بس
٢١	نصيحة
٢٢	زمن غدار
٢٤	الحزن
٢٦	كلمة حب
٢٧	تعليم مجاني
٢٩	عايزين العدل
٣٢	الطفل مات
٣٤	أيوه نقدر
٣٦	دايرة النسيان
٣٨	ضميني

٣٩	أحلام ع الرملة
٤١	شبكة أنجاس
٤٣	العيد فرخه
٤٥	ماله الفول
٤٦	حكمت المحكمة
٤٨	يوميات موظف شهر عقاري
٥٠	الوطن
٥١	وده معقول
٥٣	شكرا لمن كرمي
٥٥	ظلم المدير
٥٧	هجم الرباعيات
٥٩	حرب العرب
٦٠	حفيدي يوسف
٦١	مفتوح
٦٢	شاعر وزير
٦٣	مفتوح
٦٤	أبوي مات
٦٧	حب غالي
٧٠	ذكرى أمي
٧٢	يوم الفرحة
٧٣	المرور